



## Tusagassiorfinnut nalunaarut Pressemeddelelse

28. september 2016

NUNA MED  
Postbox 2031  
3900 Nuuk  
nunamed.org

### Siunissami ilisimatusartussat NUNA MED-eqarnissaanut kissaserput

Peqqinnissaq pillugu ataatsimeersuarnissaq NUNA MED 2016 sioqqullugu, siunissami ilisimatusartussat inuiaqatigiinni ikittunnguanik innuttalinni ilisimatuserneq ileqqorissaarnerlu pikkorissarfigaat.

Peqqinnissaq pillugu ataatsimeersuarnissaq NUNA MED sioqqullugu "Ph.d-nngornianik aasaanerani pikkorissaasarneq" qulequtsiullugu aaqqissuisarneq ileqquliunnikuurput. Ilisimatusartunut inuusuttunut ataatsimoorfimmik nammineq ilisimatusaatinik saqqummiussinissamut periarfissiisumik sammisanillu toqqakkaniq itisiliilluni paasiniaasinnaanissamut" periarfissiisumik pilersitserusuppugut, Gert Mulvad, aasaanerani Ph.d-nngornianik pikkorissaanermi ilinniartitsisoq NUNA MED -imillu aaqqissueqataasoq oqarpoq.

Ph.d-nngorniat 14-it: "Ethics and Research in Small Populations in Changing Environment" qulequtsiullugu pikkorissarnissamut peqataaniarlutik nalunaarsimapput.

Ph.d-nngorniat aasaanerani pikkorissarneranni issittumi ilisimatusarnermi siuttuusut peqinnissakkullu sullissisut misilittagartuut oqalugiartullu suleqatigiisutigisanik (workshop)- sammisani immikkut toqqakkani- ilaatigut inuiaqatigiinni ikittunnguanik ileqqorissaarnermik ilisimatusarnermillu itisiliisuni aqutsisuussapput.

Ph.d-nngorniat namminneq ilisimatusaatitik atituut saqqummiutissavaat. Sammisanut ilaapput: Kalaallit Qallunaat Nunaanniittut Kalaallillu Nunaanniittut akornanni tingukkat aseruuutoorneq/tingulluut Hepatitis B, Kalaallit kræftimik piartuutillit nappaammut ersiutaannik katsorsaaneq qarasaasiakkullu nakorsiar-titsissut atorlugu nikallunganermik nappaatilinnik katsorsaaneq.

Ph.d-nngornianik aasaanerani pikkorissaaneq Hotel Hans Egede-mi ingerlanneqassaaq, Kalaallit Nunaannilu Peqqissutsimik Ilisimatusarfimmit kiisalu Peqqissaasutut ilinniartitaanermi Peqqissutsimillu Ilisimatusarnermi instituttimit – The UArctic Thematic Network Health and Wellbeing in the Arctic suleqatigalugu aaqqissuunneqarluni.

*Paasissutissat sukumiinerusut Ph.d-nngornianik ilinniartitsisoq Gert Mulvad oqarasuaatikkut angallattakkakut: 483253 imal. e-mail-ikkut: [gm@peqqik.gl](mailto:gm@peqqik.gl) attavigalugu pissarsiarineqarsinnaapput.*